

de la vita et in caxa sua, zoè in palazo, è morto 12 persone di peste.

In questa matina, in Quarantia criminal, reduta per il caso del zenovese, senza parlar altramenti li avogadori messeno de procieder, et balotà do volte la pende, ma cresete do balote al procieder de le non sincere. Ave; 18 non sincere, 4 di no, 16 de la parte. *Iterum*: 16 non sincere, 4 di no, 18 de la parte. A doman, che sarà il terzo Conseio et se baloterà solo una volta, et sarà preso el procieder, ma si tien non sarà fato morir ma confinato a morir in la forteza.

Da poi disnar, fo ordinà audientia publica.

Da Bologna, vene lettere di 14 et 15, hore 3 di note, de l'orator Contarini. Come era stato dal papa, qual li ha ditto, l'imperator ha contentà li 100 milia ducati, et leverà via el capitolo del duca de Urbin salvo iure tertii, et a quello del ducato di Sora non vol nominar in li capitoli, ma li dagi una suplication, prima sia visto *de iure*, che lui la sottoscriverà. Scrive *etiam* il Gran canzelier li parlò in conformità, sichè tutto è concluso et si formerà li capitoli. Et par l'imperator habbi richiesto a conto di ducati 200 milia per li 25 milia ducati se li dà *etiam* li sia dato ducati 15 milia contadi di più questo Zener, che summa ducati 40 milia, et a questo il papa ha ditto: « Vi prometto mi. » *Item* scrive, el papa sa ogni deliberation prima che lui orator che si fa nel Senato, perchè volendo star su li 80 milia el papa li disse sapeva che l'havea ordine de 100 milia. *Item* scrive, el duca de Milan non vol che le forteze de Milan et Leco sia in man de altri che del papa, et l'imperator non vol, dicendo il papa potrà morir, ma le meterà in man di homeni che non è stà in questa guerra, *videlicet* vol in man de

Di sier Gabriel Venier orator, di 14 et 15. Scrive in conformità il voler del duca di Milan, qual si duol del nostro orator che non li ha dato favor, et voria le forteze stesse in man del papa.

Noto. Fo ditto per *lettere di 14, de l'arziescovo Cocho di Corfù*, che Antonio da Leva ha tolto licentia da l'imperator de partirse da lui, et Soa Maestà ge l'ha data.

246* *A di 17. La matina.* Fo lettere di le poste iusta il solito per danari; nula da conto.

Vene l'orator di Franza, dicendo

Vene l'orator di Anglia, dicendo

Et sul tardi se intende esser zonto a Lio in que-

sta matina do bregantini, vieneno da . . . , sopra li qual è uno orator nel Signor turco con 16 persone, vien a la Signoria nostra, fu per Colegio terminato meterlo alozar in chà Dandolo in cale de le Rase, dove è stà preparà la caxa per la venuta del signor Renzo da Cere, vien qui da Barletta, et mandar molti zentilhomeni hozi a tuorlo di Lio con li bregantini et condurlo a l'habitatione sopraditta, facendoli le spexe, et tra li altri fo mandato sier Tomà Contarini fo orator al Signor turco, et sier Piero Bragadin fo baylo a Constantinopoli et molti altri, li quali, conduto che l'fu, veneno in Pregadi tutti.

In questa matina in Quarantia criminal fo expedito el caso di quel zenovese, et fo il terzo Conseio, senza parlar altramente, posto il procieder per li Avogadori di Comun, andò le parte: 14 non sincere, 7 di no et 17 de sì, et fu presa de sì, *tamen* al no de heri in quà cresete 3 balote. Et fu posto do parte, zioè:

Una, sier Nicolò Bernardo consier et sier Francesco Coppo vicecao di XL: che'l ditto Andrea Grimaldo Ceva debbi esser confinà a morir in la Fresca zoia con lire 15 di ferri a li piedi et a pan el aqua, et stii solo, et il capitano de le prexon li habbi bona custodia, sotto gran pene, et rompendo, et preso el sia, siali taià la testa et poi squartato con taia lire 6000 vivo et 4000 morto, *etiam* in terre aliene, *ut in parte*.

Et sier Nicolò Venier, sier Pandolfo Morexini consieri, sier Anzolo Malipiero cao di XL, sier Zuan Domenego Zigogna vicecao, et tutti tre li Avogadori de Comun messeno: che l'sopraditto proximo sia menato per canal su una piata et quele altre cose et conduto per terra a San Marco a la coa di uno cavalo, dove li sia taià la testa, et poi squartato in 4 quarti et posti a li lochi soliti, *ut in parte*.

Et andò le parte: 15 non sinceri, 12 di Bernardo et Copo, 12 del Venier et altri. *Iterum* balotate: 9 non sinceri, 13 del Venier et altri, 16 del Bernardo et Coppo, et questa fu presa, sichè sta pezo che morto. Et per esser stà tolto di loco sacro non è stà fato morir.

Da poi disnar, fo Pregadi, et leto le lettere di Bologna, et queste hozi venute, che ha portato lo orator del Signor turco ch'è zonto.

Da Licsna, di sier Marco Manolesso conte et proveditor, di 6 de l'istante. Avisa el zonzer li de do bregantini dà Ragusi con uno orator del serenissimo Signor turco, vien a la Signoria nostra; l'ha honorato et acarezato etc.